

摘藻堂四庫全書薈要

集部

欽定四庫全書薈要

集部

欽定全唐詩卷

四十九至
五十一


欽定四庫全書蒼要卷一萬七千四百五十四

集部

御定全唐詩卷四十九

張九齡

奉和聖製南郊禮畢酺宴


配夫昭聖業率土慶輝光春發三條路酺開百戲場流
恩均庶品縱觀聚康莊妙舞來平樂新聲出建章分曹
日抱戴赴節鳳歸昌幸奏承雲樂同晞湛露陽氣和皆
有感澤厚自無疆飽德君臣醉連歌奉拍梁

奉和聖製早渡蒲津關

魏武中流處軒皇問道回長堤春樹發高掌曙雲開龍
負王舟渡人占仙氣來河津會日月天仗役風雷東顧
重關盡西馳萬國陪還聞股肱郡元首詠康哉

奉和聖製同二相南出雀鼠谷

設險諸侯地承平聖王巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

奉和聖製經河上公廟

昔者河邊叟誰知隱與仙姓名終不識章句此空傳跡
為坐忘晦言猶強著詮精靈竟何所祠宇獨依然道在
紆宸睠風行動睿篇從茲化天下清淨復何先

奉和聖製送尚書燕國公赴朔方

宗臣事有征廟筭在休兵天與三台座人當萬里城朔
南方偃革河右一作北暫揚旌寵錫從仙禁光華出漢京

山川勤遠畧原隰軫皇情為奏薰琴唱仍題寶劔名聞

風六郡伏計日五戎平山甫歸應疾留侯功復成歌鍾
旋可望衽席豈難行四牡何時入吾君憶履聲

奉和聖製途經華山

萬乘華山下千巖雲漢中靈居雖宵密睿覽忽玄同日
月臨高掌神仙仰大風攢峯勢岌岌翊輦氣雄雄揆物
知幽贊銘勲表聖衷會應陪玉檢來此告成功

奉和聖製早登太行山率爾言志

孟月攝提貞乘時我后征晨嚴九折度暮戒六軍行日

御馳中道風師卷太清
戈鋌林表出組練
雪間明動植
希皇豫高深
奉睿情陪遊七聖
列望幸百神
迎氣色煙
猶喜恩光草尚榮
之罍稱萬歲
今此復同聲

奉和聖製登封禮畢洛城醮宴

大君畢能事
端宸樂成功
運與千齡合
歡將萬國同
漢
醮歌聖酒韶樂舞
薰風河洛榮光遍
雲煙喜氣通
春華
頓覺早天澤
倍知崇草木
皆沾被
猶言不在躬

恩賜樂遊園宴應制

寶筵延厚

一作錫

命供帳聚羣公形勝宜春接威儀建禮

同睇陽人似露解愠物從風朝慶千齡始年華二月中
輝光遍草木和氣發絲桐歲歲無為化寧知樂九功

奉和聖製過王濬墓

漢王思鉅鹿晉將在弘農入蜀舉長筭平吳成大功與
渾雖不協歸皓實為雄孤績淪千載流名感聖衷萬乘
度荒隴一顧凜生風古節猶不棄令人爭効忠

奉和吏部崔尚書雨後大明朝堂望南山

迢遞終南頂朝朝閭闔前
竭來青綺外高在翠微先
雙鳳塞為闕羣龍儼若仙
還知到玄圃更是謁甘泉
夜雨塵初滅秋空月正懸
詭容紛入望霽色宛成妍
東極華陰踐西彌嶠冢
連奔峯出嶺外瀑水落雲邊
漢帝宮將苑商君陌與阡
林華鋪近甸煙靄遠晴川
既庶仁斯及分憂政已宣
山公啓事罷吉甫頌聲傳
濟濟金門步洋洋玉樹篇
徒歌雖有屬清越豈同年

和崔尚書喜雨

積陽雖有晦經月未為災上念人天重先祈雲漢回仁
心及草木號令起風雷照爛陰霞止交紛瑞雨來三辰
破黍稷四達屏氛埃池溜因添滿林芳為灑開聽中聲
滴瀝望處影徘徊惠澤成豐歲昌言發上才無論驗石
鼓不是御雲臺直頌皇恩浹崇朝遍九垓

和許給事中直夜簡諸公

未央鐘漏晚仙宇藹沈沈武衛千廬合嚴扃萬戶深左
掖知天近南窗見月臨樹搖金掌露庭徙玉樓陰他日

聞更直中宵屬所欽聲華大國寶夙夜近臣心逸興乘
高閣雄飛在禁林寧思竊抃者情發為知音

和蘇侍郎小園夕霽寄諸弟

清風間闔至軒蓋承明歸雲月愛秋景林堂開夜扉何
言兼濟日尚與宴私違興逐薰葭變文因棠棣飛人倫
用忠孝帝德已光輝贈弟今為貴方知陸氏微

酬宋使君見贈之作

時來不自意宿昔謬樞衡翊聖負明主妨賢媿友生罷

歸猶右職待罪尚南荆政有留棠舊風因繼組成

一作清

高軒

一作軒車

問疾苦丞

一作黎

庶荷仁明衰廢時所薄祗言

僚故

一作舊

情

酬宋使君見詒

陟鄰初稟訓獻策幸逢時朝列且云忝君恩復若茲庭
闈際海曲輶傳荷天慈顧已歡烏鳥聞君泣素絲才明
應主名福善豈神欺但願白心在終然涅不淄

酬通事舍人寓直見示篇中兼起居陸舍人景

獻

軒掖殊清秘才華固在斯興因膏澤灑情與惠風吹所
美應人譽何私亦我儀同聲感喬木比翼謝長離價以
陸生減賢慙鮑叔知薄遊嘗獨媿芳訊乃兼施此夜金
閨籍伊人瓊樹枝飛鳴復何遠相顧幸媿媿

與袁補闕尋蔡拾遺會此公出行後蔡有五韻
詩見贈以此篇答焉

轍迹陳家巷詩書孟子鄰偶來乘興者不值草玄人契

是忘年合情非累日申聞君還薄暮見眷及茲辰贈我
如瓊玖將何報所親

酬趙二侍御史西軍贈兩省舊僚之作

石室先鳴者金門待制同操刀嘗願割持斧竟稱雄應
敵兵初起緣邊虜欲空使車經隴月征旆繞河風忽枉
兼金訊非徒秣馬功氣清

一作
凌

蒲海曲聲滿柏臺中顧

已塵華省欣君震遠戎明時獨匪報嘗欲退微躬

武司功初有幽庭春暄見貽夏首獲見以詩報

馬

芳月盡離居幽懷重起予雖言春事晚尚想物華初遲
日皦方照高齋澹復虛笋成林向密花落樹應踈贈鯉
情無間求鶯思有餘暄妍不相待含歎欲馬如

酬王履震遊園林見貽

宅生惟海縣素業守郊園中覽霸王說上徵明主恩一
行罷蘭徑數載歷金門既負潘生拙俄從周任言逶迤
戀軒陛蕭散反丘樊舊逕稀人跡前池耗水痕併看芳

樹老唯覺敞廬存自我棲幽谷逢君翳覆盆孟軻應有
命賈誼得無冤江上行傷遠林間偶避喧地偏人事絕
時霽鳥聲繁獨善心俱閉窮居道共尊樂因南澗藻憂
豈北堂萱幽意加投漆新詩重贈軒平生徇知己窮達
與君論

餞王尚書出邊

漢相推人傑殷宗伐鬼方還聞出將重坐見即戎良上
策應為豫中權且用光令申兵氣倍威懾

一作
惛

虜魂亡

樹比公孫大城如道濟長夏雲登隴首秋露泣遼陽武
德舒宸睠文思餞樂章感恩身既許激節膽猶嘗祖帳
傾朝列軍麾駐道傍詩人何所詠尚父欲鷹揚

送趙都護赴安西

將相有更踐簡心良獨難遠圖嘗畫地超拜乃登壇戎
即崑山序車同渤海單義無中國費情必遠人安他日
文兼武而今粟且寬自然來月窟何用刺樓蘭南至三
冬晚西馳萬里寒封侯自有處征馬去嘽嘽

奉使自藍田玉山南行

征驂入雲壑始憶步金門
通籍微軀幸歸途明主恩
匪唯徇行役兼得慰晨昏
是節暑云熾紛吾心所尊
海縣且悠緬山郵日駿奔
徒知惡囂事未暇息陰論
曉武經陳迹衡湘指故園
水開南澗險煙望北林繁
遠靄千巖合幽聲百籟喧
陰泉夏猶凍陽景晝方暉
懿此高深極徒令夢想存
盛明期有報長往復奚言

賀給事嘗詣蔡起居郊館有詩因命同作

記言聞直史築室面層阿豈不承明入終云幽意多沈
冥高士致休澣故人過前嶺遊氛滅中林芳氣和茲辰
阻佳趣望美獨如何

南山下舊居閒放

祗役已云久乘閒返服初塊然屏塵事幽獨坐林閣清
曠前山遠紛喧此地踈喬木凌青靄修篁媚綠渠耳和
繡翼鳥目暢錦鱗魚寂寞心還閒一作閒飄飄體自虛興

來命昔酒臨罷閱仙書但樂多幽意寧知有毀譽尚想

爭名者誰云要路居都忘下流歎領奪竟何如

高齋閒望言懷

高齋復晴景延眺屬清秋風物動歸思煙林生遠愁紛
吾自窮海薄宦此中州取路無高足隨波適下流歲華
空冉冉心曲且悠悠坐惜芳時歇胡然久滯留

別鄉人南還

橘柚南中煖桑榆北地陰何言榮落異因見別離心吾
亦江鄉子思歸夢寐深聞君去水宿結思渺雲林牽綴

從浮事遲回謝所欽東南行舫遠秋浦念猿吟

初發江陵有懷

極望涪陽浦江天渺不分扁舟從此去鷗鳥自為羣他
日懷真賞中年負俗紛適來果微尚倏爾會斯文復想
金閨籍何如夢渚雲我行多勝寄浩思獨氛氲

同綦母學士月夜聞雁

棲宿豈無意飛飛更遠尋長途未及半中夜有遺音月
思關山笛風號流水琴空聲兩相應幽感一何深遊繳

歸南浦離羣叫北林
聯翩俱不定憐爾越鄉心

登總持寺閣

香閣起崔嵬高高沙版開
攀躋千仞上紛詭萬形來
草間商君陌雲重漢后臺
山從函谷斷川向斗城回
林裏春容變天邊客思催
登臨信為美懷遠獨悠哉

晚憩王少府東閣

披軒肆流覽雲壑見深重
空水秋彌淨林煙晚更濃
坐隅分洞府簷際列羣峯
窈窕生幽意參差多異容
還慙

大隱跡空想列仙蹤
賴此昇攀處蕭條得所從

登城樓望西山作

城樓枕南浦日夕顧西山
宛宛鸞鶴處高高煙霧間
仙井今猶在洪厓久不還
金編莫我授羽駕亦難攀
簷際千峯出雲中一鳥間
縱觀窮水國游思徧人寰
勿復塵埃事歸來且閉關

祠紫蓋山經玉泉山寺

指途躋楚望策馬傍荆岑
稍稍松篁入泠泠澗谷深
觀

竒逐幽暎歷險忘嶮嶽上界投佛影中天揚梵音焚香
懺在昔禮足誓言來今靈異若有對神仙真可尋高僧聞
逝者遠一作絕俗是初心蘇馭經行處猿啼燕坐林歸真
已寂滅留迹豈沈湮法地自茲廣何云千萬金

洪州西山祈雨是日輒應因賦詩言事

茲山蘊靈異走望良有歸丘禱雖已久忙心難重違遲
明申藻薦先夕旅巖扉獨宿雲峯下蕭條人吏稀我來
不外適幽抱自中微靜入風泉奏涼生松栝圍窮年滯

遠想寸晷閱清暉虛美悵無屬素情緘所依詭隨嫌弱
操羈束謝貞肥義濟亦吾道誠存為物祈靈心倏已應
甘液幸而飛閉閣且無責隨車安敢希多慙德不感知
復是耶非

經江寧覽舊跡至玄武湖

南國更數世北湖方十洲天清華林苑日晏景陽樓果

下回仙騎津傍駐絲旂

一作旂

鳧鷖喧鳳管荷芰闌

一作暗

龍舟七子陪詩賦千人和棹謳應言在鎬樂不讓橫汾

秋風俗因紆慢江山成易由駒王信不武孫叔是無謀
佳氣日將歇霸功誰與修桑田東海變麋鹿姑蘇遊否
運爭三國康時劣九州山雖幕府在館豈豫章留水淀
還相閱菱歌亦故道雄圖不足問唯想事風流

登襄陽峴山

一本峴山
上有恨字

昔年亟攀踐征馬復來過信若山川舊誰知歲月何蜀
相吟安在羊公碣已磨令圖猶寂寞嘉會亦蹉跎宛宛
樊城岸悠悠漢水波逶迤春日遠感寄客情多地本原

林秀朝來煙景和同心不同賞留歎此巖阿

登荊州城樓

天宇何其曠江城坐自拘層樓百餘尺迢遞在西隅暇
日時登眺荒郊臨故都纍纍見陳迹寂寂想雄圖古往
山川在今來郡邑殊北疆雖入鄭東距豈防吳幾代傳
荆國當時敵陝鄂上流空有處中土復何虞枕席夷三
峽關梁豁五湖承平無異境守隘莫論夫自罷金門籍
來參竹使符端居向林藪微尚在桑榆直似王陵薏非

如甯武愚今茲對南浦乘雁與雙鳧

登樂遊原春望書懷

城隅有樂遊表裏見皇州策馬既長遠雲山亦悠悠萬
壑清光滿千門喜氣浮花間直城路草際曲江流憑眺
茲為美離居方獨愁已驚玄髮換空度綠萋柔奮翼籠
中鳥歸心海上鷗既傷日月逝且欲桑榆收豹變馬能
及鶯鳴非可求願言從所好初服返林丘

候使登石頭驛樓作

山檻憑南

一作高

望川途眇北流遠林天翠合前浦日華

浮萬井緣津渚千艘咽渡頭漁商多末事耕稼少良疇
自守陳蕃榻嘗登王粲樓徒然騁目處豈是獲心遊向
跡雖愚谷求名異盜丘息陰芳木所空復越鄉憂

登臨沮樓

高深不可厭巡屬復來過本與衆山絕况茲韶景和危
樓入水倒飛檻向空摩雜樹緣青壁樛枝掛綠蘿潭清
能徹底魚樂好跳波有象言雖

一作難

具無端思轉多同

心不在此孤賞欲如何

陪王司馬登薛公道遙臺

嘗聞薛公淚非直
雍門琴竄逐留遺跡
悲涼見此心府
中因暇豫江上幸
招尋人事已成古
風流獨至今間情
多感歎清景暫登
臨無復甘棠在空
餘蔓草深晴光送
遠目勝氣入幽襟
水去朝滄海春來
換碧林賦懷湘浦
弔碑想漢川沈曾
是陪遊日徒為梁
父吟

嘗與大理丞袁公太府丞田公偶詣一所林沼

尤勝因並坐其次相得甚歡遂賦詩焉以詠其事

方駕與吾友同懷不異尋偶逢池竹處便會江湖心夏
近林方密春餘水更深清華兩輝映閒步亦窺臨蘋藻
復佳色鳧鷖亦好音韶芳媚洲渚蕙氣襲衣襟蕭散皆
為樂乘回從所欽謂予成夙志歲晚共抽簪

與弟遊家園

定省榮君賜來歸是晝遊林鳥飛舊里園果讓新秋枝

長南庭樹池臨

一作連

北澗流星霜屢爾別蘭麝為誰幽

善積家方慶恩深國未酬棲棲將義動安得久情留

郡內閒齋

郡閣晝常掩庭蕪日復滋簷風落鳥毳窗葉掛蟲絲拙
病宦情少羈閒秋氣悲理人無異績為郡但經時唯有
江湖意沈冥空在茲

城南隅山池春中田表二公盛稱其美夏首獲
賞果會夙言故有此詠

憶昨聞佳境，駕言尋昔蹊。非惟初物變，亦與舊遊睽。幽
渚為君說，清晨即我攜。途深獨睥睨，歷險共攀躋。林笋
苞青籜，津楊委綠萋。荷香初出浦，草色復緣堤。樂處將
鷗狎，譚端用馬齊。且言臨海郡，無話武陵溪。異壤風煙
絕，空山巖逕迷。如何際朝野，從此待金閨。

西江夜行

遙夜人何在，澄潭月裏行。悠悠天宇曠，切切故鄉情。外
物寂無擾，中流澹自清。念歸林葉一作春服，換愁坐露華生。

猶有汀洲鶴宵分乍一鳴

南還湘水言懷

拙宦今何有勞歌念不成十年乘風志一別悔前行歸
去田園老倘來軒冕輕江間稻正熟林裏桂初榮魚意
思在藻鹿心懷食苹時哉苟不達取樂遂吾情

商洛山行懷古

園綺值秦末嘉遁此山阿陳迹向千古荒途始一過碩
人久淪謝喬木自森羅故事昔嘗覽遺風今豈訛泌泉

空活活樵叟獨皤皤是處清暉滿從中幽興多長懷赤
松意復憶紫芝歌避世辭軒冕逢時解薜蘿盛明今在
運吾道竟如何

南還以詩代書贈京師舊寮

薄宦晨昏闕尊

一作
遵

尊義取斯窮愁年貌改寂歷爾胡

為不諂詞多忤無容禮益卑微生尚何有遠跡固其宜
思擾梁山曲情遙越鳥枝故園從海上良友邈天涯雲
雨歎一別川原勞載馳上慙伯樂顧中負叔牙知去國

誠寥落經途弊險巖歲逢霜雪苦林屬蕙蘭萎欲贈幽
芳歌行悲舊賞移一從闕作限兩見月成規苒苒窮年
簫行行盡路歧征鞍稅北渚歸帆指南垂樹晚猶葱蒨
江寒尚渺瀰土風從楚別山水入湘竒石瀨相奔觸煙
林更蔽虧層崖夾洞浦輕舸汎澄漪松篠行皆傍禽魚
動輒隨惜哉邊地隔不與故人窺疇昔陪鷓鴣朝陽振
羽儀來音雖寂寞接景每逶迤朝罷冥塵事賓來話酒
卮邀歡逐芳草結興選華池及此風成歎何時霧可披

自憐無用者誰念有情離望美音容闊懷賢夢想疲因
聲達霄漢持拙守東陂

初發道中贈王司馬兼寄諸公

昔歲嘗陳力中年退屏居承顏方弄鳥放性或觀魚曾
是安疵拙誠非議卷舒林園事益簡煙月賞恆餘不意
棲愚谷無階奉詔書湛恩均大造弱植媿空虛肅命趨
仙闕僑裝撫傳車念行開祖帳憐別降題輿誰謂風期
許叨延禮數殊義沾投分末情及解攜初追餞扶江介

光輝燭里閭子雲應寂寞公叔

一作緒

為吹噓景物春來

異音容日向疎川原行稍穩鐘鼓聽猶徐林隔王公輦
雲迷班氏廬戀親唯委咽思德更躊躇徇義當由此懷
安乃闕如願酬明主惠行矣豈徒歟

自始興溪夜上赴嶺

嘗蓄名山意茲為世網牽征途屢及此初服已非然日
落青巖際溪行綠篠邊去舟乘月後歸鳥息人前數曲
迷幽嶂連圻觸閣泉深林風緒結遙夜客情懸非梗胡

為泛無膏亦自煎不知于役者相樂在何年

當塗界寄裴宣州

故人宣城守亦在江南偏如何分虎竹相與間山川
章綬胡為者形骸非自然含情津渡闊倚望脰空延遠近
聞佳政平生仰大賢推心徒有屬會面良無緣日夕遵
前渚江村投暮煙念行祇意默懷遠豈言宣委曲風波
事難為尺素傳

郡中每晨興輒見羣鶴東飛至暮又行列而返

呀喉雲路甚和樂
馬子媿獨處江城
常目送此意有所羨
遂賦以詩

雲間有數鶴
撫翼意無違
曉日東田去
煙霄北渚歸
歡呼良自適
羅列好相依
遠集長江靜
高翔衆鳥稀
豈煩仙子馭
何畏野人機
却念乘軒者
拘留不得飛

和裴侍中承恩拜掃旋轡途中有懷寄州縣官

僚鄉國親故

後缺

嵩嶽神惟降汾川鼎氣雄
生才作霖雨繼代有清通天

下稱賢相朝端挹至公自家來佐國移孝入為忠霜露
多前感丘園想舊風扈巡過晉北問俗到河東便道恩
華降還鄉禮教崇野尊延故老朝服見兒童

和姚令公哭李尚書文

貴賤雖殊等平生竊下風雲泥勢已絕山海納還通忽
歎登龍者翻將弔鶴同琴詩猶可託劍履獨成空疇昔
嘗論禮興言每匪躬人思崔琰議朝掩祭遵公作善神
何酷依仁命不融天文虛北斗人事罷南宮上宰既傷

舊下流彌感衷無恩報國士徒欲問玄穹

奉和聖製經函谷關作

函谷雖云險黃河已復清聖心無所隔空此置關城
奉和聖製度潼關口號

嶙嶙故城壘荒涼空戍樓在德不在險方知王道休
答太常靳博士見贈一絕

上苑春先入中園花盡開唯餘幽徑草尚待日光催

登荊州城望江二首

統籤作一首

滔滔大江水天地相終始經閱幾世人復歎誰家子
東望何悠悠西來晝夜流歲月既如此為心那不愁
賦得自君之出矣

自君之出矣不復理殘機思君如滿月夜夜減清輝

荅陸澧

松葉堪為酒春來釀幾多不辭山路遠踏雪也相過

御定全唐詩卷四十九

欽定四庫全書薈要卷一萬七千四百五十五

集部

御定全唐詩卷五十

楊炯

楊炯華陰人幼聰敏博學善屬文年十一舉神童授校書郎為崇文館學士遷詹事司直恃才簡倨人不容之武后時左轉梓州司法叅軍秩滿遷婺州盈川令卒於官中宗即位以舊僚贈著作郎炯聞時人以四傑稱乃自言曰吾愧在盧前恥居王後張說曰楊盈川文思如

懸河注水酌之不竭既優於盧亦不減王也有盈川集
三十卷今存詩一卷

奉和上元酺宴應詔

甲乙遇災年周隋送上弦妖

一作妖

星六丈出沴氣七重

懸赤縣空無主蒼生欲問天龜龍開寶命雲火昭靈慶
萬物覩真人千秋逢聖政祖宗玄澤遠文武休光盛大
號域中平皇威天下驚參辰昭文物宇宙浹聲名漢后
三章令周王五伐兵匈奴窮地角本自遠正朔驕子起

天街由來虧禮樂一衣掃風雨再戰夷屯剝清明日月

旦蕭索煙雲渙寒暑既平分陰陽復貞觀惟神諧妙物

乃聖符幽贊下武發禎祥平階屬會昌金泥封日觀壁

水匝明堂業盛勲華德興一作與包天地皇孝思義罔極

易禮光前式天煥三辰輝靈書五雲色敬時窮發歛卜

代盈千億五緯聚華軒重光入望園公卿論至道天子

拜昌言雷解初開出星空即便元瑤臺涼景薦銀闕秋

陰遍百戲騁魚龍千門壯宮殿深仁洽蠻徼一作狃愷樂

周寰縣宣室召羣臣明庭禮百神仰德還符日霑恩更
似春襄城非牧豎楚國有巴人

廣溪峽

廣溪三峽首曠望兼川陸山路遶羊腸江城鎮魚腹喬
林百丈偃飛水千尋瀑驚浪回高天盤渦轉深谷漢氏
昔云季中原爭逐鹿天下有英雄襄陽有龍伏常山集
軍旅永安興版築池臺忽已傾邦家遽淪覆庸才若劉
禪忠佐為心腹設險猶可存當無賈生哭

巫峽

三峽七百里唯言巫峽長
重巖窅不極疊嶂凌蒼蒼
絕壁橫天險莓苔爛錦章
入夜分明見無風波浪狂
忠信吾所蹈泛舟亦何傷
可以涉砥柱可以浮呂梁
美人今何在靈芝徒有一作芳
山空夜猿嘯征客淚沾裳

西陵峽

絕壁聳萬仞長波射千里
盤薄荆之門滔滔南國紀
楚都昔全盛高丘烜望祀
秦兵一旦侵夷陵火潛起
四維

不復設關塞良難恃洞庭且忽焉

一作然

孟門終已矣自

古天地闢流為峽中水行旅相贈言風濤無極已及余
踐斯地瓌竒信為美江山若有靈千載伸知己

從軍行

烽火照西京心中自不平牙璋辭鳳闕鐵騎繞龍城雪
暗凋旗畫風多雜鼓聲寧為百夫長勝作一書生

劉生

卿

一作鄉

家本六郡年長入三秦白壁酬知己黃金謝主

人劍鋒生赤電馬足起紅塵日暮歌鐘發喧喧動四鄰

驄馬

驄馬鐵連錢長安俠少年帝畿平若水官路直如弦夜
玉妝車軸秋金一作風鑄馬鞭風霜但自保窮達任皇天

出塞

塞外欲紛紜一作紛雌雄猶未分明堂占氣色華蓋辨星

文二月河魁將三千太乙軍丈夫皆有志會見一作是立

功勳

有所思

賤妾留南楚，征夫向北燕。
三秋方一日，少別比千年。
不掩頰紅縷，無論一作能數綠錢。
相思明月夜，迢遞白雲天。

梅花落

窗外一株梅，寒花五出開。
影隨朝日遠，香逐便風來。
泣對銅鈎障，愁看玉鏡臺。
行人斷消息，春恨幾裴回。

折楊柳

邊地遙一作迷無極，
征人去不還。
秋容凋翠羽，別淚損紅

顏望斷流星驛心馳明月關
葉砧何處在楊柳自堪攀

紫騮馬

俠客重周遊金鞭控紫騮
蛇弓白羽箭鶴轡赤茸鞞
發跡來南海長鳴向北州
匈奴今未滅畫地取封侯

戰城南

塞北途遼遠城南戰苦辛
旂一作幢如鳥翼甲冑似魚

鱗凍水寒傷馬悲風愁殺人
寸心明白日千里暗黃塵

送臨津房少府

岐路三秋別江津萬里長煙霞駐征蓋弦奏促飛觴階
樹含斜日池風泛早涼贈言未終竟流涕忽沾裳

送豐城王少府

愁結亂如麻長天照落霞離亭隱喬樹溝水浸平沙左
尉才何屈東關望漸賒行看轉牛斗持此報張華

送鄭州周司空

一作
司空

漢國臨清渭京城枕濁河居人下珠淚

一作
泣

賓御促驪

歌望極關山遠秋深煙霧多唯餘三五夕明月暫經過

送梓州周司功

御溝一相送征馬屢盤桓言笑方無日離憂獨未寬舉
杯聊勸酒破涕暫為歡別後風清夜思君蜀路難

送楊處士反初卜居曲江

雁門歸去遠垂老脫袈裟蕭寺休為客

一作相

曹溪便寄

家綠琪千歲樹黃槿四時花別怨應無限門前桂水斜

途中

悠悠辭鼎邑去去指

一作拒

金墉途路盈千里山川亘百

重風行常有地

一作隊

雲出本多峰鬱鬱園中柳亭亭山

上松客心殊不

一作未

樂鄉淚獨無從

送劉校書從軍

天將下三宮星門召

一作啟

五戎坐謀資廟略飛檄佇文

雄赤土流星劍烏號明月弓秋陰生蜀道殺氣繞湟中
風雨何年別琴尊此日同離亭不可望溝水自西東

遊廢觀

青嶂倚丹田荒涼數百年猶知小山桂尚識大羅天藥

敗金爐火苔昏玉女泉
歲時無壁畫朝夕有階煙
花柳三春節江山四望懸
悠然出塵網從此狎神仙

和石侍御山莊

煙霞非俗宇

一作排俗累

巖壑只幽居
水浸何曾畝
荒郊不

復鋤影濃山樹密
香淺澤花疎
澗塹防斜徑
平堤夾小

渠蓮房若箇實
竹節幾重

一作竿

虛蕭然
隔城市
酌醴焚

枯魚

送李庶子致仕還洛

此地傾城日由來供帳華亭逢李廣騎門接邵平瓜原
野煙氛匝關河遊望賒白雲斷巖岫綠草覆江沙詔賜
扶陽宅人榮御史車灞池一相送流涕向煙霞

早行

敞朗東方徹闌干北斗斜地氣俄成霧天雲漸作霞河
流纔辨馬巖路不容車阡陌經三歲閭閻對五家露文
沾細草風影轉高花日月從來惜關山猶自賒

和崔司空傷姬人

昔時南浦別鶴怨寶琴弦今日東方至鸞銷珠鏡前水

流銜砌咽月影向窗懸妝

一作粉

匣悽餘粉

一作淚

薰爐滅

一作減

舊煙晚庭摧玉樹寒帳委金蓮佳人不再得雲

一作

白

日幾千年

和騫右丞省中暮望

故事閒臺閣仙門藹已深舊章窺複道雲幌肅重陰玄

律葭灰變青陽斗柄臨年光搖樹色春氣繞蘭心風響

高窗度流痕曲岸侵天門

一作氏

總樞轄人鏡辨衣簪日

暮南宮靜瑤華振雅音

和酬虢州李司法

唇齒標形勝關河壯色居寒山抵方伯秋水面鴻臚君
子從遊宦忘情任卷舒風霜下刀筆軒蓋擁門閭平野
芸黃遍長洲鴻雁初菊花宜泛酒蒲葉好裁書昔我芝
蘭契悠然雲雨疎非君重千里誰肯惠雙魚

和鄭讐校內省眺矚思鄉懷友

銅門初下辟石館始沈研遊霧千金字飛雲五色牋樓

臺橫紫極

一作氣

城闕俯青田
暄入瑤房裏
春回

一作過

玉

宇前霞文埋落照
風物

一作色

澹歸煙翰墨
三餘隙關山

四望懸頽峰

一作風

暌酌羽流水
曠鳴絃雖欣承白雪終

恨隔青天

和旻上人傷果禪師

淨業初中日
浮生大小年
無人本無我
非後亦非前
蕭

鼓旁喧地龍
蛇直映

一作真應

天法門摧棟
宇覺海破舟
船

書鎮秦王餉
經文宋國傳
聲華周百億
風烈被

一作破

三

千蕪沒青園寺荒涼紫陌田德音殊未遠拱木已生煙
和劉侍郎入隆唐觀

福地陰陽合仙都日月開山川臨四險城樹隱三臺伏
檻排雲出飛軒遶澗回參差凌倒影瀟灑軼浮埃百果
珠為寶羣峰錦作苔懸蘿暗疑一作疑霧瀑布響成雷方
士燒丹液真人泛玉杯還如問桃水更似得蓬萊漢帝
求仙日相如作賦才自然金石奏何必上天台

和輔先入昊天觀星瞻

一作占

遁甲爰皇星占太乙宮天門開奕奕佳氣鬱蔥蔥碧
落三乾外黃圖四海中邑居環若水城闕抵新豐玉檻
崑崙側金樞地軸東上真朝北斗元始詠南風漢君祠
五帝淮王禮八公道書編一作藏竹簡靈液一作藥灌梧桐
草茂一作蔓瓊階綠花繁寶樹紅石樓紛似畫地鏡淼如
空桑海年一作中應積桃源路不窮黃軒若有問三月佳

一作往崆峒

和劉長史荅十九兄

帝堯平百姓高祖宅三秦子弟分河岳衣冠動縉紳盛

名恒不隕歷代幾相因街巷塗山曲門閭洛水濱五龍

金作友一子玉為人寶劍豐城氣明珠魏國珍風標自

落落文質且彬彬共許刁元

一作陶玄

亮同推周伯仁石城

俯天闕鍾阜對江津驥足方遐騁

一作號

狼心獨未馴鼓

輦鳴九域風火集重圍城勢餘三板

一作版

兵威乏四鄰

居然混玉石直置保松筠耿介酬天子危言數賊臣鍾

儀琴未奏蘇武節猶新受祿寧辭死揚名不顧身精誠

動天地忠義感明神怪鳥俄

一作來

垂翼修蛇竟暴鱗來

朝拜

一作報

休命述職下梁

一作良

岷善政馳金馬嘉聲繞

玉輪三荆忽有贈四海更相親宮徵諧鳴石光輝掩燭

銀山川遙滿目零露坐沾巾友愛光天下恩波浹後塵
懦夫仰高節下里繼陽春

夜送趙縱

趙氏連城壁由來天下傳送君還舊府明月滿

一作照

前

川

御定全唐詩卷五十

欽定四庫全書薈要卷一萬七千四百五十六

集部

御定全唐詩卷五十一

宋之問

宋之問一名少連字延清號州弘農人弱冠知名初徵
令與楊炯分直內教俄授雒州參軍累轉尚方監丞預
修三教珠英後坐附張易之左遷瀧州參軍武三思用
事起為鴻臚丞景龍中再轉考功員外郎時中宗增置
修文館學士之問與薛稷杜審言首膺其選轉越州長

史睿宗即位徙欽州尋賜死集十卷今編詩三卷

息夫人

可憐楚破息腸斷息夫人仍為泉下骨不作楚王嬪
楚王寵莫盛息君情更親情親怨生別一朝俱殺身

初到陸渾山莊

授衣感窮節策馬凌伊關歸逸人趣日覺秋琴閑
寒露衰北阜夕陽破東山浩歌步一作榛樾棲鳥隨我還

夜飲東亭

春泉

一作水

鳴大壑皓月吐層岑岑壑景色佳慰我遠遊

心暗芳足幽氣驚棲

一作嘶

多衆音高興南山

一作女

曲長

謠橫素琴

芳樹

一作沈
往朝詩

何地早芳菲宛在長門殿天桃色若綬穠李光如練啼
鳥弄花疎遊蜂飲香遍歎息春風起飄零君不見

送趙六貞固

目斷南浦雲心醉東郊柳怨別此何時春

一作青

芳來已

久與君共時物盡此盈樽酒始願今不從春風戀攜手
題張老松樹

歲晚東巖下周顧何悽惻日落西山陰衆草起寒色中
有喬松樹使我長歎息百尺無寸枝一生自孤直

別之望後獨宿藍田山莊

鵲鴿有舊曲調苦不成歌自歎兄弟少常嗟離別多爾
尋北京路予卧南山阿泉晚更幽咽雲秋尚嵯峨藥欄
聽蟬噪書幌見禽過愁至願甘寢其如鄉夢何

浣紗篇贈陸上人

越女顏如花越王聞浣紗國微不自寵獻作吳宮娃山

數半潛匿苧蘿更蒙遮一行霸句踐再笑

一作顧

傾夫差

艷色奪人目

一作常人

數噸亦相誇一朝還舊都靚粧尋若

耶鳥驚入松網

一作林鳥驚入松

魚畏沈荷花

一作網魚畏沈花

始覺

冶容妄方悟羣

一作君

心邪

一作斜

欽子秉幽意世人共稱

嗟願言托君懷倘類蓬生麻家住雷門曲高閣凌飛霞

淋漓翠羽帳旖旎采

一作綠

雲車春風艷楚舞秋月纏

一作

綿

胡笳自昔專嬌愛，襲玩唯矜奢。達本知空寂，棄彼猶
泥沙。永割偏執性，自長薰修芽。搗妾不障道，來一作止

妾西家

雨從箕山來

雨從箕山來，倏與飄風度。晴明西峰日，綠縹南溪樹。此
時客精廬，幸蒙真僧顧。深入清淨理，妙斷往來趣。意得
兩契如言盡，共忘喻觀花。寂不動聞鳥，懸可悟向夕。聞
天香淹留，不能去。

初至崖口

崖口衆山斷，嶽峯聳天壁。
氣衝落日紅，影入春潭碧。
錦繡織苔蘚，丹青畫松石。
水禽泛容與，巖花飛的皜。
微路從此深，我來限于役。
惆悵情未已，羣峰暗將夕。

自湘源至潭州衡山縣

浮湘沿迅湍，逗浦凝遠盼。
漸見江勢濶，行嗟水流漫。
赤岸雜雲霞，綠竹緣溪澗。
向背羣山轉，應接良景晏。
沓障連夜猿，平沙覆陽雁。
紛吾望闕客，一作容歸撓速已慣。
中

道方沂泗遲念自茲撰賴欣衡陽美持以蠲憂患

入崖口五渡寄李適

抱琴登絕壑伐木沂清川路極意謂盡勢回趣轉綿人
遠草木秀山深雲景鮮余負海嶠情自昔微尚然彌曠
十餘載今來宛仍前

一作全

未窺仙源極獨進野人船時

攀乳竇憇屢薄天窗眠夜弦響松月朝楫弄苔泉因冥
象外理永謝區中緣碧潭可遺老丹砂堪學仙莫使馳
光暮空令歸鶴憐

洞庭湖

地盡天水合朝及洞庭湖初日當中涌莫辨東西隅
晶耀目何在溼熒心欲無靈光晏海若游氣耿天吳

一作
樞

張樂軒皇至征苗夏禹徂楚臣悲落葉堯女泣蒼梧野
積九江潤山通五嶽圖風恬魚自躍雲夕雁相呼獨此
臨泛漾浩將人代殊永言洗氛濁卒歲為清娛要使功
成退徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下驚濤驚地

潤八荒近天回百川澍筵端接空曲目外唯雰霧暖氣

物象來周遊晦明互致牲匪玄享禋祿期靈煦的的波

際禽云云島間樹安期今何在方丈蔑尋路仙事與世

隔冥搜徒已屢四明背群山遺老莫辨處撫中

一作
內撫

良

自慨弱齡忝恩遇三入文史林兩拜神仙署雖歎出關

遠始知臨海趣賞來空自多理勝孰能喻留楫竟何待

徒倚忽云暮

溫泉莊卧病寄楊七炯

移疾

一作
多病

卧茲嶺窅窅倦幽獨賴有高丘山高枕長在

目茲山棲靈異朝夜翳雲族是日濛雨晴返景入巖谷

翼翼澗畔草青青山下木此意方無窮環顧悵林麓伊

洛何悠漫川原信重複夏餘鳥獸蕃秋末禾黍熟兼願

守樊圃歸閑欣藝牧惜無載酒人徒把涼泉

一作
掬

荅田徵君

一作敬荅田
徵君遊巖

家臨清溪水溪水繞盤石綠蘿四面垂裊裊百餘尺風

泉度絲管苔蘚鋪茵席傳聞潁陽人霞外漱靈液忽枉

巖中翰吟望

一作
卧

朝復夕何當遂遠遊物色候逋客

自衡陽至韶州謁能禪師

謫居竄炎壑孤帆森不繫別家萬里餘流目三春際猿

啼山館曉虹飲江臯霽湘岸竹泉幽衡峯石困閑嶺嶂

窮攀越風濤極沿濟吾師在韶

一作
衡

陽欣此得躬詣洗

慮賓空寂焚香結精誓願以有漏軀聿

一作
辛

薰無生慧

物用益

一作

冲曠心源日閑細伊我獲此途遊道回

一作

悔

晚計宗師信捨法擯落文史藝坐禪羅浮中尋異窮

一作南

海裔何辭禦魑魅自可乘炎癘回首望舊

一作故

鄉

雲林浩虧蔽不作離別苦歸期多年歲

見南山夕陽召監師不至

夕陽黯晴碧山翠互明滅此中意無限要與開士說徒
鬱仲舉思詎迴道林轍孤興欲待誰待此湖上月

遊法華寺

薄游京都日遙羨稽山名分刺江海郡竭來徵素情松

露洗心眷象筵敷念誠薄雲界青嶂皎日騫朱甍苔澗
深不測竹房閑且清感真六象見垂兆二鷗一作鳥鳴古
今信靈跡中州莫與京林巘永棲業豈伊佐一作在一生
浮悟雖已久事試去來成觀念幸相續庶幾最後明

宿雲門寺

雲門若邪裏泛鷗路纔通黃緣綠篠岸遂得青蓮宮天
香衆壑滿夜梵前山空漾漾潭際月颺颺一作飄飄杉上風

茲焉多嘉遯數子今莫同鳳歸慨處士鹿化聞仙公樵

路鄭州北舉

一作學

井河巖東永夜宣云寐曙華忽蔥蘢

谷鳥嚙尚澀源桃驚未紅再來期春暮當造林端窮庶
幾蹤謝客開山投剡中

春湖古意

院梅發向尺園鳥復成曲落日遊南湖果擲顏如玉舍
情不得語轉盼知所屬惆悵未可歸寧關須采

一作林

菜

游陸渾南山自歇馬嶺到楓香林以詩代書荅

李舍人適

晨登歇馬嶺遙望伏牛山孤出羣峰首熊熊元氣間太

和亦崔嵬石扇

一作

橫閃條細岑互攢倚浮巘競奔蹙

白雲遙入懷青靄

一作

近可掬徒尋靈異跡

一作我從尋靈異

周顧愜心目晨拂鳥路行暮投人煙宿稔稻遠彌秀粟

芋秋新熟石髓非一巖藥苗乃萬族間闢踏雲雨繚繞

緣水木西見商山芝南到楚鄉竹楚竹幽且深半雜楓
香林浩歌清潭曲寄爾桃源心

早發大庾嶺

晨躋大庾險驛鞍馳復息霧露晝未開浩途不可測
起華夷界信為造化力歇鞍問徒旅鄉關在西北出門
怨別家登嶺恨辭國自惟勗一作忠孝斯罪惜所得皇

明頗照

一作昭

洗廷議日紛惑兄弟遠淪居妻子成異域

羽翮傷已毀童幼憐未識踣躄戀北顧亭午晞霽色春

煖陰梅花瘴回陽鳥翼含沙緣澗聚吻草依林植適蠻

悲疾首懷鞏淚沾臆感謝鷓鴣朝勤修魑魅職生還倘

非遠誓擬酬恩德

自洪府舟行直書其事

仲春辭國門畏途橫萬里越淮乘楚嶂造江泛吳汜嚴
程無休隙日夜涉風水昔聞垂堂言將誠千金子問余
何竒剝遷竄極炎鄙揆已道德餘幼聞虛白旨貴身賤
外物抗跡遠塵軌朝遊伊水濱夕卧箕山趾妙年拙自
晦皎潔美文史謬辱紫泥書揮翰青雲裏事往每增傷
寵來常誓止銘骨懷報稱

一作林丘

逆鱗讓金紫安位覺潛

構退畊禍猶起棲巖實吾策觸藩誠內耻濟濟同時人

臺庭鳴劍履愚一作思以卑自衛兀坐去沈滓迨茲理已

極竊位申知己羣議員宿心獲戾光華始黃金忽銷鑠

素業坐淪毀浩歎誣平生何獨戀枌梓浦樹浮鬱鬱臯

蘭覆靡靡百越去魂斷九疑望心死未盡匡阜遊遠欣

羅浮美周旋本師訓佩服無生一作心理異國多靈仙幽

探忘年紀一作祀敞廬嵩山下空谷茂蘭芷悠悠南溟遠

採掇長已矣

下桂江縣黎壁

放溜覲前激連山分

一作紛

上干江回雲壁轉天小霧峯

攢吼沫跳急浪合流環峻灘敬離

一作雜

出漩割繚繞避

渦盤舟子怯桂水最言斯路難吾生抱忠信吟嘯自安
閑旦別已千歲夜愁勞萬端企予見夜月委曲破林巒
潭曠竹煙盡洲香橘露團豈傲夙所好對之與俱歡思
君罷琴酌泣此夜漫漫

奉使嵩山途經緱嶺

侵星發洛城城中歌吹聲畢景至緱嶺嶺上煙霞生草

樹饒野意山川多古情大隱德所薄歸來可退耕

傷王七秘書監寄呈揚州陸長史通簡府僚廣

陵以廣好事

一本無以廣四字

王氏貴先宗衡門棲道風傳

一作得

心悟有物秉化遊無

窮學與九流異機玄三語同書乃墨場絕文稱詞伯雄

白屋藩魏主蒼生期謝公一祇賢良詔遂謁承明宮補

衮望奚塞尊儒位未充罷官七門裏歸老一丘中嘗忝

長者轍微言私謂通我行會稽郡路出廣陵東物在人

已矣都疑淮海空

使至嵩山尋杜四不遇慨然復傷田洗馬韓觀

主因以題壁贈杜侯杜四

洛橋瞻太室期子在雲煙歸來不相見孤賞弄寒泉與

君濶松石于茲二十年田公謝昭世韓子秘幽壘憶昔

同攜手山樓接二賢笙歌入玄地詩酒坐寥天舊友悉

零落罷琴私自憐逝

一作非

者非藥誤餐霞意可全為余

理還策相與事靈仙

翫郡齋海榴

澤國韶氣早開簾延霽天野禽宵未轉山蜚畫仍眠目
茲海榴發列映巖楹前熠爚禦風靜葳蕤含景鮮清晨
綠堪佩亭午丹欲然昔忝金閨籍嘗見玉池蓮未若宗
族地更逢榮耀全南金雖自貴賀一作賀賞詎能遷撫
躬萬里絕豈染一朝妍徒緣一作緣滯遐郡常是惜流年
越俗鄙章甫捫心空自憐

長安路

一作沈
佺期詩

秦地平如掌層城出雲漢樓閣九衢春車馬千門旦綠柳開復合紅塵聚還散日晚闌雞場經過狹斜看

折楊柳

一作沈
佺期詩

玉樹朝日映羅帳春風吹拭淚攀楊柳長條宛地垂白花飛歷亂黃鳥思參差妾自肝腸斷傍人那得知

有所思

一作沈
佺期詩

君子事行役再空芳歲期美人曠遙佇萬里浮雲思園

桃

一作
槿

綻紅豔郊葉

一作
桑

柔綠滋坐看長夏晚秋月生

一作
照 羅帷

軍中人日登高贈房明府

幽郊昨夜陰風斷頓覺朝來陽吹暖
涇水橋南柳欲黃
杜陵城北花應滿
長安昨夜寄春衣
短翮登茲一望歸
聞道凱旋乘騎入
看君走馬見芳菲

寒食還陸渾別業

洛陽城裏花如雪
陸渾山中今始發
旦別河橋楊柳風
夕卧伊川桃李月
伊川桃李正芳新
寒食山中酒復春

野老不知堯舜力，酣歌一曲太平人。

寒食江州滿

一作蒲

塘驛

去年上巳洛橋邊，今年寒食廬山曲。遙憐鞏樹花應滿，復見吳洲草新綠。吳洲春草蘭杜芳，感物思歸懷故鄉。驛騎明朝宿何處，猿聲今夜斷君腸。

至端州驛見杜五審言沈三佺期間五朝隱王
二無競題壁慨然成詠

逐臣北地承嚴譴，謂到南中每相見。豈意南中岐路多。

千山萬水

一作千里萬里

分鄉縣雲搖雨散各翻飛海濶天長

音信稀處處山川同瘴癘自憐能得幾人歸

綠竹引

青溪綠潭潭水側修竹嬋娟同一色徒生僊實鳳不遊
老死空山人詎識妙年秉願逃俗紛歸卧高丘弄白雲

舍情傲睨

樂府詩無睨字

慰心目何可一日無此君

明河篇

紀事云武后時之問求為北門學士不許乃作此篇以見意后見之謂崔融曰

非不知之問有奇才但恨有口過耳之問終身恥之

八月涼風天氣晶

清一作

萬里無雲河漢明
昏見南樓清

且淺曉落西山縱復橫
洛陽城闕天中起
長河夜夜千門裏
複道連甍共蔽虧
畫堂瓊戶特相宜
雲母帳前初泛濫
水精簾外轉
逶迤倬彼昭回如練白
復出東城接南陌
南陌征人去不歸
誰家今夜擣寒衣
鴛鴦機上踈螢度
烏鵲橋邊一雁飛
雁飛螢度愁難歇
坐見明河漸微沒
已能舒卷任浮雲
不惜光輝讓流月
明河可望不可親
願得乘槎一問津
更將織女支機石
還訪成都賣

卜人

龍門應制

宿雨霽氛埃，流雲度城闕。
河堤柳新翠，苑樹花先發。
洛陽花柳此時濃，山水樓臺映幾重。
羣公拂霧朝翔鳳，天子乘春幸鑿龍。
鑿龍近出王城外，羽從琳琅擁軒蓋。
雲罕纔臨御水橋，天衣已入香山會。
山壁嶄巖斷復連，清流澄澈俯伊川。
雁塔遙遙綠波上，星龕奕奕翠微邊。
層巒巒舊長千尋，木遠壑初飛百丈泉。
綵仗蜺虹一作旌遠香。

閣下輦登高望河洛東城宮闕擬昭回南陌溝塍殊綺
錯林下天香七寶臺山中春酒萬年杯微風一起祥花
落仙樂初鳴瑞鳥來鳥來花落紛無已稱觴獻壽煙

一作

香霞裏歌舞淹留景欲斜石闌

一作
間

猶駐五雲車鳥旗

翼翼留芳草龍騎駸駸暎晚花千乘萬騎鑾輿出水靜
山空嚴警蹕郊外喧喧引看人傾都南望屬車塵囂聲
引颺聞黃道佳氣周迴

一作
旋

入紫宸先王定鼎山河固

寶命乘周萬物新吾皇不事瑤池樂時雨來觀農扈春

紀事云武石遊龍門命羣官賦詩先成者賜以錦袍左
史東方虬詩成拜賜坐未安之間詩成人理兼美左右
稱善乃就奪
錦袍衣之

初宿淮口

孤舟汴河水去國情無已晚泊投楚鄉明月清淮裏汴
河東瀉路窮茲洛陽西顧日增悲夜聞楚歌思欲斷况
值淮南木落時

王子喬

王子喬愛神仙七月七日上賓天白虎搖瑟鳳吹笙乘

騎雲氣吸日精吸日精長不歸遺廟今在而人非空望
山頭草草露濕人衣

放白鷗篇

故人贈我綠綺琴兼致白鷗鳥琴是嶧山桐鳥出吳溪
中我心松石清霞裏弄此幽弦不能已我心河海白雲
垂憐此珍禽空自知著書晚下麒麟閣幼稚驕癡候門
樂乃言物性不可違白鷗愁慕刷毛衣玉徽閑匣留為
念六翮開籠任爾飛

桂州三月三日

一作桂陽
三日述懷

代業京華裏遠投魑魅鄉登高望不極雲海四茫茫伊
昔承休盼曾為人所羨兩朝賜顏色二紀陪歡宴昆明
御宿侍龍媒伊闕天泉復幾回西夏黃河水心劔東周
清洛羽觴杯苑中落花掃還合河畔垂楊撥不開千春
萬壽多行樂栢梁和歌攀睿作賜金分帛奉恩輝風舉
雲搖入紫微晨趨北闕鳴珂至夜出南宮把燭歸載筆
儒林多歲月襟被文昌佐吳越越中山海高且深興來

無處不登臨永和九年刺海郡暮春三月醉山陰惡謂
嬉遊長似昔不言流寓歎成今始安繁華舊風俗帳飲
傾城沸江曲主人絲管清且悲客子肝腸斷還續荔浦
蘅臯萬里餘洛陽音信絕能疎故園今日應愁思曲水
何能更袞除遂伴誰憐合浦葉思歸豈食桂江魚不求
漢使金囊贈願得佳人錦字書

下山歌

下嵩山兮多所思攜佳人兮步遲遲松間明月長如此

君再遊兮復何時

冬宵引贈司馬承禎

河有冰兮山有雪北戶瑾兮行人絕
獨坐山中兮對松月懷美人兮屢盈缺
明月的的寒潭中青松幽幽吟勁風
此情不向俗人說愛而不見恨無窮

高山引

攀雲窈窕兮上躋懸峰長路浩浩兮此去何從
水一曲兮腸一曲山一重兮悲愁一作一重
松檟邈已遠友于何

日逢况滿室兮童稚攢衆慮於心胷天高難訴兮遠負
明德却望咸京兮揮涕龍鍾

嵩山天門歌

登天門兮坐盤石之磷砢前從從兮未半下漠漠兮無
垠紛窈窕兮巖倚披以鵬翹洞膠葛兮峰稜層以龍鱗
松移岫轉左變而右易風生雲起出鬼而入神吾亦不
知其靈怪如此願遊杳冥兮見羽人重曰天門兮穹崇
回合兮攢藂松萬接兮柱日石千尋兮倚空晚陰兮足

風夕陽兮絕紅試一望兮奪魄况衆妙之無窮


有所思

一作劉希夷詩題
云代悲白頭翁

洛陽城東桃李花飛來飛去落誰家幽閨女兒惜顏色
坐見落花長歎息今年花落顏色改明年花開復誰在
已見松柏摧為薪更聞桑田變成海古人無復洛城東
今人還對落花風年年歲歲花相似歲歲年年人不同
寄言全盛紅顏子須憐半死白頭翁此翁白頭真可憐
伊昔紅顏美少年公子王孫芳樹下清歌妙舞落花前

光祿池臺交錦繡將軍樓閣畫神仙一朝卧病無相識
三春行樂在誰邊婉轉蛾眉能幾時須臾鶴髮亂如絲
但看古來歌舞地唯有黃昏鳥雀飛

御定全唐詩卷五十一



總校官庶吉士 臣 張能照

校對官檢討 臣 龔大萬

謄錄監生 臣 胡金石

謄錄監生 臣 賈捷三

欽定四庫全書薈要

集部

欽定全唐詩卷五十五

二至

詳校官候補通司經歷臣郭祚熾



欽定四庫全書薈要卷一萬七千四百五十七

集部

御定全唐詩卷五十二

宋之問

奉和立春日侍宴內出剪綵花應制

金閣粧新

一作
仙

杏瓊筵弄綺梅人間都未識天上忽先

開蜨繞香絲住蜂憐艷粉

一作
彩艷

迴今年春色早應為剪

刀催

春日芙蓉園侍宴應制

芙蓉秦地沼盧橘漢家園谷轉斜盤徑川迴曲抱原風
來花自舞春入鳥能言侍宴瑤池夕歸途笳一作吹繁

夏日仙萼亭應制

高嶺逼星河乘輿此日過野舍時雨潤山雜夏雲多
容藻光巖穴宸襟洽薜蘿悠然小天下歸路滿笙歌

奉和九月九日登慈恩寺浮屠應制

鳳刹侵雲半虹旌倚日邊散花多寶塔張樂布金田
時菊芳仙醞秋蘭動睿篇香街稍欲晚清蹕扈歸天

奉和九日幸臨渭亭登高應制得歡字

令節三秋晚重陽九日歡
仙杯還泛菊寶饌且調蘭
御氣雲霄近乘高宇宙寬
今朝萬壽引宜向曲中彈

奉和聖製閏九月九日登莊嚴總持二寺閣

閏月再重陽仙輿歷寶坊
帝歌雲稍白御酒菊猶黃
風鐸喧行漏天花拂舞行
豫游多景福梵宇日生光

麟趾殿侍宴應制

北闕層城峻西宮複道懸
乘輿歷萬戶置酒望三川
花

柳含丹日山河入綺筵欲知陪賞處空外有飛煙

上陽宮侍宴應制得林字

一本題上有九月晦日四字

廣樂張前殿重裘感聖心砌奠霜月盡庭樹雪雲深舊
渥駮宸御慈恩忝翰林微臣一何幸再得聽瑤琴

幸少林寺應制

紺宇橫天室回鑾指帝休曙陰迎日盡春氣抱巖流空
樂繁行漏香煙薄綵旂玉膏從此泛仙馭接浮丘

幸嶽寺應制

整幸珠筵地俱憐石瀨清泛流張翠幕拂迴挂紅旌雅
曲龍調管芳樽蟻汎觥陪歡玉座晚復得聽金

一作鐘聲

扈從登封途中作

帳殿鬱崔嵬仙遊實壯哉曉雲連幕捲夜火雜星回
谷暗千旗出山鳴萬乘來扈從良可賦終乏揆天才

扈從登封告成頌

複道開行殿鉤陳列禁兵和風吹鼓角佳氣動旗旌
後騎迴天苑前山入御營萬方俱下拜相與樂昇平

松山嶺應制

翼翼高旌轉鏘鏘鳳輦飛塵銷清蹕路雲濕從臣衣白
羽搖丹壑天營一作宮逼翠微芳聲耀今古四海警宸威

緱山廟

王子賓仙去飄飄笙鶴飛徒聞滄海變不見白雲歸天
路何其遠人間此會稀空歌日云暮霜月漸微微

奉和梁王宴龍泓應教得微字

水府淪幽壑星軺下紫微鳥驚司僕馭花落侍臣衣芳

樹搖春晚晴雲繞座飛
淮王正留客不醉莫言歸

壽陽王花燭圖

一作沈
佺期詩

仙媛乘龍日

一作夕

天孫捧雁來可憐桃李樹

一作逕

更繞

鳳皇臺燭照香車入花臨寶扇開
莫令銀箭

一作漏

曉為

盡合歡杯

江南曲

妾住越城南離居不自堪
採花驚曙鳥摘葉饒春蠶懶
結茱萸帶愁安玳瑁簪待君消瘦盡日暮碧江潭

牛女

一作沈
佳期詩

粉席秋期緩，鍼樓別怨多。
奔龍爭渡月，飛鵲亂填河。
失喜先臨鏡，含羞未解羅。
誰能留夜色，來夕倍還梭。

冬夜寓直麟閣

一作王
維詩

直事披三省，重關閉七門。
廣庭憐雪淨，深屋喜爐溫。
月幌花虛馥，風窗竹暗喧。
東山白雲意，茲夕寄琴尊。

登禪定寺閣

一作登總
持寺閣

梵宇出三天，登臨望八川。
開襟坐霄漢，揮手拂雲

一作
拍

雲

煙函谷青

一作春

山外昆池落日邊
東京楊柳陌少別已

一作幾
經年

陸渾山莊

歸來物外情
負杖閱巖耕
源水看花入
幽林採藥行
野

人相問姓山鳥自呼名
去去獨吾樂無然

一作能

愧此生

藍田山莊

宦遊非吏隱
心事好幽偏
考室先依地
為農且用天
朝

川朝伐木藍水暮澆田
獨與秦山老相歡
春酒前

春日山家

一作春
泉洗藥

今日遊何處
春泉洗藥歸
悠然紫芝曲
晝掩白雲扉
魚樂偏尋藻
人閑屢采薇
丘中無俗事
身世兩相違

春日宴宋主簿山亭得寒字

公子正邀歡
林亭春未闌
攀巖踐苔易
迷路出花難
窗覆垂楊煖
堦侵瀑水寒
帝城歸路直
留興接鷓鴣

江亭晚望

浩渺浸雲根
煙嵐出遠村
鳥歸沙有跡
帆過浪無痕
望

水知柔性看山欲斷魂縱情猶未已回馬欲黃昏

秋晚遊普耀寺

薄暮曲江頭仁祠暫可留山形無隱霽野色徧呈秋荷
覆香泉密藤綠寶樹幽平生厭塵事過一作此忽悠悠

荅李司戶夔

遠方來下客輜軒攝一作使臣弄琴宜在夜傾酒貴逢

春駟馬留孤館雙魚贈故人明朝散雲一作雨遙仰德

為隣

寄天台司馬道士

卧來生白髮覽鏡忽成絲
遠愧餐霞子童顏且自持
舊遊惜踈曠微尚日磷緇
不寄西山藥何由東海期

使往天平軍馬約與陳子昂
新鄉為期及還而不相遇

入衛期之子吁嗟不少留
情人去何處淇水日悠悠
恒碣青雲斷衡漳白露秋
知君心許國不是愛封侯

過函谷關

二百四十載海內何紛紛六國兵同合七雄勢未分
從成拒秦帝策決問蘇君雞鳴將狗盜論德不論勲

送朔方何侍郎

一作御

聞道雲中使乘驄往復還河兵守陽月塞虜失陰山拜

職嘗隨驃

方回云漢有隨驃合騎侯

銘功不讓班旋聞受降日歌舞

入蕭關

送田道士使蜀投龍

風馭忽泠然雲臺路幾千蜀門峯勢斷巴字水形連人

隔壺中地龍遊洞裏天
贈言回馭日圖畫彼山川

送許州宋司馬赴任

潁郡水東流荀陳兄弟遊
偏傷茲日遠獨向聚星州
河潤在明德人康非外求
當聞力為政遙慰我心愁

送趙司馬赴蜀州

餞子西南望煙綿劍道微
橋寒金雁落一作林曙碧雞

飛職拜輿方遠仙成履會歸
定知和氏璧遙掩玉輪輝

送永昌蕭贊府

柳變曲江頭送君函谷遊
弄琴寬別意酌醴醉春愁
戀本亦何極贈言微所求
莫令金谷水不入故園流

送李侍御

行李戀庭闈乘輶振綵衣
南登指吳服北走出秦畿
去國夏雲斷還鄉秋雁飛
旋聞郡計入更有使臣歸

餞湖州薛司馬

別駕促嚴程離筵多故情
交深季作友義重伯為兄
鎮靜移吳俗風流在漢京
會看一作送陳仲舉從此拜公卿

送杜審言

卧病人事絕嗟君萬里行
河橋不相送江樹遠含情
別路追孫楚維舟弔屈平
可惜龍泉劍流落在豐城

送武進鄭明府

弦歌試宰日城闕賞心違
北謝蒼龍去南隨黃鵠飛
夏雲海中出吳山江上微
眈一作歌豈云遠從此慶緇衣

送姚侍御出使江東

帝憂河朔郡南發海陵倉
坐歎青春別透迤碧水長
飲

冰朝受命衣錦晝還鄉為問東山桂無人何自芳

留別之望舍弟

同氣有三人分飛在此晨西馳巴嶺徼東去洛

一作文

陽

濱強飲離前酒終傷別後神誰

一作雖

憐散花萼獨赴日

南春

漢江宴別

漢廣不分天舟移杳若仙秋

一作林

虹暎晚日江鶴弄晴

煙積水浮冠蓋遙風逐管弦嬉遊不可極留恨此山川

初發荆府贈長史

首聯
缺

仍隨五馬謫載與兩禽奔明

主無由見羣公莫與言幸君逢聖日何惜理虞翻

晚泊湘江

五嶺恹惶客三湘顛顛顏顏况復秋雨霽表裏見衡山路

逐鵬

一作江

南轉心依雁北還唯餘望鄉淚更染竹成斑

過蠻洞

越嶺千重合蠻谿十里斜竹迷樵子徑萍匝釣人家林

暗交楓葉園香覆橘花誰憐在荒外孤賞足雲霞

經梧州

南國無霜霰連年見物華青林暗換葉紅藥續開花春
去聞山鳥秋來見海槎流芳雖可悅會自泣長沙

渡吳江別王長史

倚檣望茲川銷魂獨黯然鄉連江北樹雲斷日南天
別龍初沒書成雁不傳離舟意無限催渡復催年

泛鏡湖南溪

乘興入幽棲舟行日向低巖花候冬發谷鳥作春啼
香嶂開天小叢篁夾路迷猶聞可憐處更在若邪溪

途中寒食題黃梅臨江驛寄崔融

一作初到黃梅臨江驛

馬上逢寒食愁中屬暮春可憐江浦望不見洛陽人
北極懷明主南溟作逐臣故園腸斷處日夜柳條新

遊韶州廣界一作果寺

影殿臨丹壑香臺隱翠霞巢飛銜象鳥砌蹋雨空花
寶鐸搖初霽金池暎晚沙莫愁歸路遠門外有三車

宿清遠峽山寺

香岫懸金刹飛泉屆

一作界

石門空山唯習靜中夜寂無

喧說法初聞鳥看心欲定猿寥寥隔塵市

一作事

何異武

陵源

題大庾嶺北驛

陽月南飛雁傳聞至此回我行殊未已何日復歸來江
靜潮初落林昏瘴不開明朝望鄉處應見隴頭梅

度大庾嶺

度嶺方辭國，停輶一望家。
魂隨南翥鳥，淚盡北枝花。
山雨初含霽，江雲欲變霞。
但令歸有日，不敢恨長沙。

端州別袁侍郎

合浦途未極，端溪行暫臨。
淚來空泣臉，愁至不知心。
客醉山月靜，猿啼江樹深。
明朝共分手，之子愛千金。

過史正議宅

舊交此零落，雨泣訪遺塵。
劔几傳好事，池臺傷故人。
國香蘭已歇，里樹橘猶新。
不見吳中隱，空餘江海濱。

梁宣王挽詞三首

貴藩堯母族外戚漢家親業重興王際功高復辟辰愛
賢唯報國樂善不防身今日衣冠送空傷置醴人

金精何日閉玉匣此時開東望連吾子南瞻近帝臺地
形龜食報墳土燕銜來可歎虞歌夕紛紛騎吹回

像設千年在平生萬事違綵旌翻葆吹圭鬣奠靈衣隴
日寒無影郊雲凍不飛君王留此地駟馬欲何歸

魯忠王挽詞三首

同盟會五月歸葬出三條日慘咸陽樹天寒渭水橋稍
看朱鷺轉尚識紫騮驕寂寂泉臺恨從茲罷玉簫

邦家錫寵光存沒貴忠良遂裂山河地追尊父子王人
悲槐里月馬踏槿原霜別向天京北悠悠此路長
樹羽迎朝日撞鐘望早霞故人悲宿草中使慘晨笳氣
有衝天劔星無犯斗槎唯餘孔公宅長接魯王家

范陽王挽詞二首

賢相稱邦傑清流舉代推公才掩諸夏文體變當時賓

弔翻成鶴人亡惜喻龜洛陽今紙貴猶寫太冲詞

贈秩

一作家

徽章洽求書秘草成客隨朝露盡人逐夜舟

驚蒿里衣冠送松門印綬迎誰知楊伯起今日重哀榮

故趙王屬贈黃門侍郎上官公挽詞二首

韋門旌舊德班氏業前書謫去因丞相歸來為徒仔周
原烏相冢越嶺雁隨車冥漠辭昭代空憐賦子虛

綠車隨帝子青瑣翊宸機昔枉朝歌騎今虛夕拜闌柳
河淒挽曲薤露濕靈衣一厝窮泉閉雙鸞遂不飛

藥

有卉祕神仙君臣有禮焉忻當苦口喻不畏入腸偏扁
鵲功成日神農定品年丹成如可待雞犬自聞天

奉和九日登慈恩寺浮圖應制

瑞塔千尋起仙輿九日來萸房陳寶席菊蕊散花臺御
氣鵬霄近升高鳳野開天歌將梵樂空裏共裴回

送沙門泓景道俊玄奘還荊州應制

三乘歸淨域萬騎餞通莊就日離亭近彌天別路長荆

南旋杖鉢渭北限津梁何日紆具果還來入帝鄉

春日芙蓉園侍宴應制

年光竹裏遍春色杏間遙煙氣籠青閣流文蕩畫橋飛
花隨蝶舞豔曲伴鶯嬌今日陪歡豫還疑陟紫霄

詠笛

羌笛寫龍聲長吟入夜清關山孤月下來向隴頭鳴遂
吹梅花落舍春柳色驚行觀向子賦坐憶舊鄰情

詠鐘

既接南鄰磬還隨北里笙平陵通曙響長樂警宵聲秋
至含霜動春歸應律鳴豈惟恒待扣金籥有餘情

花落

一作沈佺期詩
題云梅花落

鐵騎幾時迴金閨怨早梅雪花已落風暖葉還開夕
逐新春管香迎小歲杯盛時何足貴書裏報輪臺

旅宿淮陽亭口號

日暮風亭上悠悠旅思多故鄉臨桂水今夜渺星河暗
草霜花發空亭鴈影過興來誰與語勞者自為歌

內題賦得巫山雨

一作沈佺期詩
題云巫山高

神女向高唐巫山下夕陽裴回作行雨
婉戀逐荆王
電影江前落雷聲
峽外長霽雲無處
所臺館曉蒼蒼

王昭君

一作沈佺期詩

非君惜鸞殿非妾妬娥眉
薄命由驕虜無情是畫師
嫁來胡地日不竝漢宮時
辛苦無聊賴何堪上馬辭

銅雀臺

一作沈佺期詩

昔年分鼎地今日望陵臺
一旦雄圖盡千秋遺令開
綺

羅君不見歌舞妾空來
恩共漳河水東流無重回

巫山高

一作沈
詮期詩

巫山峯十二環合象

一作合
香德

昭回俯聽

一作
眺

琵琶峽平

看雲雨臺古槎天外落

一作
倚

瀑水日邊來何忍猿啼夜

荆王枕席開

望月有懷

一作康鹿芝詩
一作沈詮期詩

天使下西樓含光萬里秋
臺前似挂鏡簾外如懸鉤
張尹將眉學班姬取扇憐
佳期應借問為報大刀頭

駕出長安

一作王
昌齡詩

聖德超千古皇風扇九圍
天回萬象出駕動六龍飛
淑氣來黃道祥雲覆紫微
太平多扈從文物有光輝

餞中書侍郎來濟

一作太
宗詩

暖暖去塵昏灞岸飛飛輕蓋指河梁
雲峰衣結千重葉雪岫花開幾樹粧
深悲黃鶴孤舟遠獨對青山別路長
却將分手霑襟淚還用持添離席觴

奉和春初幸太平公主南莊應制

青門路接鳳凰臺素澹宸遊龍騎來澗草自迎香輦合
巖花應待御筵開文移北斗成天象酒遞一作南山作
壽杯此日侍臣將石去共歡明主賜金回

三陽宮侍宴應制得幽字

離宮祕苑勝瀛州別有仙人洞壑幽巖邊樹色含風冷
石上泉聲帶雨秋鳥向歌筵來度曲雲依帳殿結為樓
微臣昔忝方明御今日還陪八駿遊

御定全唐詩卷五十二

欽定四庫全書薈要卷一萬七千四百五十八

集部

御定全唐詩卷五十三

宋之問

奉和晦日幸昆明池應制

春豫靈池會滄波
帳殿開舟凌石鯨
度槎拂斗牛回節
晦莫全落春遲柳
暗催象溟看浴景
燒劫辨沈灰鎬飲
周文樂汾歌漢武才
不愁明月盡自有夜珠來

紀事云中宗正

月晦日幸昆明池賦詩羣臣應制百餘篇帳殿前結綵樓命上官昭容選一首為新詠御製曲從臣悉集其下

須臾紙落如飛唯沈宋二詩不下又移時一紙飛墜乃沈詩也及聞其評曰二詩工力悉敵沈詩落句云微臣雕朽質盍觀豫章材蓋詞氣已竭宋詩云不愁明月盡自有夜珠來猶隄健寫舉沈乃伏不敢復爭

奉和幸大薦福寺

寺即中宗舊宅

香刹中天起宸遊滿路輝乘龍太子去駕象法王歸殿飾金人影窗搖玉女扉稍迷新草木徧識舊庭闈水入禪心定雲從寶思飛欲知皇劫遠初拂六銖衣

奉和幸三會寺應制

傳是倉頡造書臺

六飛回玉輦雙樹謁金仙瑞鳥呈書字神龍吐浴泉淨

心遙證果睿想獨超禪塔湧香花地山圍日月天梵音

迎漏

一作雨

徹空樂倚雲懸今日登仁壽長看法鏡圓

奉和薦福寺應制

梵筵光聖邸遊豫覽宏規不改靈光殿因開功德池蓮

生新步葉桂長昔攀枝湧塔庭

一作花

中見飛樓海上移

聞韶三月幸觀象七星危欲識龍歸處朝朝

一作來

雲氣

隨

奉和幸神臯亭應制

清蹕喧黃道乘輿降紫宸
霜戈凝曉日雲管發陽春
臺古全疑漢林餘半識秦
宴酣詩布澤節改令行仁
昔恃山河險今依道德淳
多慙獻嘉頌空累屬車塵

奉和幸長安故城未央宮應制

漢王未息戰蕭相乃營宮
壯麗一朝盡威靈千載空
皇明悵前跡置酒宴羣公
寒輕綵仗外春發幔城中
樂思回斜日歌詞繼大風
今朝天子貴不假叔孫通

奉和幸韋嗣立山莊侍宴應制

一作李
又詩

樞掖調梅暇林園藝槿初入朝榮劔履退食偶

一作樂琴

書地隱東巖室天回北斗車旌門臨窳窳輦道屬扶疎
雲罕明丹壑霜笳徹紫虛水疑投石處溪似釣璜餘帝
澤頌卮酒人歡頌里閭一承黃竹詠長奉白茅居

扈從登封告成頌應制

御路回中嶽天營接下都百靈無後至萬國競前驅文
衛嚴清蹕幽仙讀寶符貝花明漢果芝草入堯厨濟濟
衣冠會喧喧夷夏俱宗禋仰神理刊木望川途撫已貧

非病時來本不愚，願陪丹鳳輦，率舞白雲衢。

一作凱樂
望仙途

宴安樂公主宅得空字

英藩築外館，愛主出王宮。賓至星槎落，仙來月宇空。
玳梁翻賀燕，金埒倚晴虹。簫奏秦臺裏，書開魯壁中。
短歌能駐日，豔舞欲嬌風。聞有淹留處，山阿滿桂叢。

春日鄭協律山亭陪宴餞鄭卿同用樓字

潘園枕郊郭，愛客坐相求。尊酒東城外，驂駝南陌頭。
池平分洛水，林缺見嵩丘。暗竹侵山徑，垂楊拂妓樓。
彩雲

歌處斷遲日舞前留此地何年別蘭芳空自幽

和姚給事寓直之作

清論滿朝陽高才拜夕郎還從避馬路來接珥貂行寵
就黃扉日威回白簡霜栢臺遷烏茂蘭署得人芳禁靜
鐘初徹更疎漏漸長曉河低武庫流火度文昌寓直恩
徽一作
光輝重乘秋藻翰揚暗投空欲報下調不成章

和庫部李員外秋夜寓直之作

相庭貽慶遠才子拜郎初起草

一作
儀

仙閣焚香卧直

廬更深河欲斷節勁柳偏疎氣耿凌雲筆心搖待漏車
叨榮廁儔侶省已慙空虛徒斐陽春和難參麗曲餘

酬李丹徒見贈之作

鎮吳稱奧里試劇仰通才近挹人披霧遙聞境震雷一
朝逢解榻累日共銜杯連轡登山盡浮舟望海回以予
慚拙宦期子遇良媒贈曲南鳧斷征途北雁催更憐江
上月還入鏡中開

使過襄陽登鳳林寺閣

香閣臨清漢丹梯隱翠微林篁天際密人世谷中違苔
石銜仙洞蓮舟泊釣磯山雲浮棟起江雨入庭飛信美
雖南國嚴程限北歸幽尋不可再留步惜芳菲

宋公宅送審諫議

宋公爰創宅庾氏更誅茅間出人三秀平臨楚四郊漢
臣來絳節荆牧動金甌尊溢宜城酒笙裁曲沃匏露荷
秋變節風柳夕鳴梢一散陽臺雨方隨越鳥巢

送合宮蘇明府頌

鉉府誕英規公才天下知謂乘羔雁族繼入鳳皇池赤
縣求人隱青門起路岐翟回車少別鳧化鳥遙馳神哭
周南境童歌渭北垂賢哉荀奉倩袞職佇來儀

送楊六望赴金水

借問梁山道嶽岑幾萬重遙州乃作字絕壁劒為峰惜
別路窮此留歡意不從憂來生白髮時晚愛青松勿以
西南遠夷歌寢盛容台階有高位寧復久臨邛

下桂江龍目灘

停午出難險輕舟容易前峰攢入雲樹崖噴落江泉巨
石潛山怪深篁隱洞仙鳥遊溪寂寂猿嘯嶺娟娟揮袂
日凡幾我行途已千暝投蒼梧郡愁枕白雲眠

入瀧州江

孤舟泛盈盈江流日縱橫夜雜蛟螭寢晨披瘴癘行潭
蒸水沫起山熱火雲生猿躩時能嘯鳶飛莫敢鳴海窮
南徼盡鄉遠北魂驚泣向文身國悲看鑿齒氓地偏多
育蠱風惡好相鯨余本巖栖客悠哉慕玉京厚恩嘗願

答薄宦不祈成違隱乖求志披荒為近名鏡愁玄髮改
心負紫芝榮運啟中興歷時逢外域清秬應保忠信延
促付神明

始安秋日

桂林風景異秋似洛陽春晚霽江天好分明愁殺人卷
雲山臙臙碎石水磷磷世業事黃老妙年孤隱淪歸歟
卧滄海何物貴吾身

桂州黃潭舜祠

虞世巡百越相傳葬九疑精靈遊此地祠樹日光輝
禋祭忽羣望丹青圖二妃神來獸率舞仙去鳳還飛
日暝山氣落江空潭靄微帝鄉三萬里乘彼白雲歸

登粵王臺

江上粵王臺登高望幾回南溟天外合北戶日邊開
地濕煙嘗起山晴雨半來冬花採盧橘夏果摘楊梅
跡類虞翻枉人非賈誼才歸心不可見

一作度

白髮重相催

早發始興江口至虛氏

一作靈長

村作

候曉踰閩嶠一作障乘春望越臺宿雲鵬際落殘月蚌中

開辟荔搖青氣枕榔翳碧苔桂香多露裛石響細泉回

抱葉玄猿嘯銜花翡翠來南中雖可悅北思日悠哉鬢

髮俄成素丹心已作灰何當首歸路行剪故園萊

發藤州

朝夕苦迢征孤魂長自驚泛舟依鴈渚一作宿投館聽猿

鳴石髮緣溪蔓林衣埽一作拂地輕雲峰刻不似苔蘚一作

壁畫難成露裛千花氣泉和萬籟聲攀幽紅處歇躋險

綠中行戀切芝蘭砌悲纏松柏瑩丹心江北死白髮嶺
南生魑魅天邊國窮愁海上城勞歌意無限今日為誰
明

遊稱心寺

釋事懷三隱清襟謁四禪江鳴潮未落林曉日初懸寶
葉交香雨金沙吐細泉望諧舟客趣思發海人煙顧櫪
仍留馬乘杯久棄船未憂龜負嶽且識鳥耘田理契都
無象心冥不寄筌安期庶可揖天地得齊年

遊法華寺

高岫擬耆闍真乘引妙車空中結樓殿意表出雲霞後

果纏三足

一作尺

前因感

一作取

六牙宴林薰寶樹水溜滴

金沙寒谷梅猶淺溫庭橘未華臺香紅藥亂塔影綠篁
遮果漸輪王族緣超梵帝家晨行踏忍草夜誦得靈花
江郡將何匹天都亦未加朝來沿泛所應是逐仙槎

夜渡吳松江懷古

宿帆震澤口曉渡松江濱擢發魚龍氣舟衝鴻鴈羣寒

潮頓覺滿暗浦稍將分氣出

一作赤

海生日光清湖起雲

水鄉盡天衛歎息為吳君謀士伏劍死至今悲所聞

謁禹廟

夏王乘四載茲地發金符峻命終不易報功疇敢渝先
驅總昌會後至伏靈誅玉帛空天下衣冠照海隅旋聞
厭黃屋更道出蒼梧林表祠轉茂山阿井詎枯舟遷龍
負壑田變鳥芸蕪舊物森如在天威肅未殊玄夷屈瑤
席玉女侍清都奕奕扃闈

一作闈

邃軒軒仗衛趨氣青連

曙海雲白洗春湖猿嘯有時答禽言常自呼靈歆異蒸
精至樂匪笙竽茅殿今文襲梅梁古製無運遙日崇麗
業盛答昭蘇伊昔力云盡而今功尚敷揆材非美箭精
享愧生芻郡職昧為理邦空寧自誣下車霰已積攝事
露行濡人隱冀多祐曷唯霑薄軀

遊禹穴回出若邪

禹穴今朝到邪溪此路通著書聞太史鍊藥有仙翁鶴
往籠猶掛龍飛劍已空石帆搖海上天鏡落湖中水底

寒雲白山邊
墜葉紅歸舟
何慮晚日暮
使樵風

靈隱寺

紀事云之間貶黜放還至江南遊靈隱寺夜月極明長廊行吟曰驚嶺鬱宮堯

龍宮鎖寂寥久不能續有老僧點長明燈問曰少年夜久不寐何耶之間曰偶欲題此寺而興思不屬即曰何不云樓觀滄海日門對浙江潮之間愕然訝其適麗進明更訪之則不復見寺僧有知者曰此駱賓王也

驚嶺鬱宮堯
龍宮鎖寂寥
樓觀滄海日
門對浙江潮
桂子月中落
天香雲外飄
捫蘿登遠剝
木取泉遙
霜薄花更發
冰輕葉未凋
夙齡尚遐異
搜對祿煩囂
待入天

台路看余度石橋

遊雲門寺

維舟探靜域作禮事尊經
投跡一蕭散為心自杳冥
龕依大禹穴樓倚少微星
杳嶂圍蘭若回溪抱竹庭
覺花塗砌白甘露洗山青
鴈塔騫金地虹橋轉翠屏
人天宵現景神鬼晝潛形
理勝常虛寂緣空自感靈
入禪從鶴逸說法有龍聽
劫累終期滅塵躬且未寧
搖搖不安寐待月詠巖扃

早發韶州

炎徼行應盡，回瞻鄉路遙。
珠厓天外郡，銅柱海南標。
日夜清明少，春冬霧雨饒。
身經大火一作火熱，顏入瘴江消。

觸影含沙怒，逢人女一作毒

一作毒

草搖露濃看，茵濕風颭

一作漾

覺船飄直，禦魑將魅寧。
論鴟與鴞，虞翻思報國。
許靖願歸朝，綠樹秦京道。
青雲洛水橋，故園長在目。
魂去不須招。

早入清遠峽

一作下桂江龍目灘

傳聞峽山好旭日擢前沂雨色搖丹嶂泉聲聒翠微兩
巖天作帶萬壑樹披衣秋菊迎霜序春藤礙日輝翳潭
花似織緣嶺竹成圍寂歷環沙浦蔥蘢轉石圻露餘江
未熱風落瘴初稀猿飲排虛上禽驚掠水飛榜童夷唱
合樵女越吟歸良候斯為美邊愁自有違誰言望鄉國
流涕失芳菲

發端州初入西江

問我將何去清晨沂越溪翠微懸宿雨丹壑飲晴霓樹

影捎雲密藤陰覆水低潮回出浦駛洲轉望鄉迷人意
長懷北江行日向西破顏看鵲喜拭淚聽猿啼骨肉初
分愛親朋忽解攜路遙魂欲斷身辱理能齊疇日三山
意于茲萬緒睽金陵有仙館卽事尋丹梯

渡漢江

嶺外音書斷經冬復歷春近鄉情更怯不敢問來人

嵩山夜還

家住一作嵩山下好采舊山薇自省遊泉石何曾不夜

在

歸

湖中別鑒上人

願與道林近在意逍遙篇自有靈佳寺何用沃洲禪

題鑒上人房二首

落花雙樹積芳草一庭春玩之堪興異

一作盡

何必見幽人

晚入應真理經行尚未回房中無俗物林下有青苔

答田徵君

出遊杳何處遲回伊洛間歸寢忽成夢宛在嵩丘山

傷曹娘二首

鳳飛樓伎絕鸞死鏡臺空
獨憐脂粉氣猶著舞衣中
河伯憐嬌態馮夷要姝妓
寄言遊戲人莫弄黃河水

河陽

一作傷曹娘

昔日河陽縣氤氳香氣多
曹娘嬌態盡春樹不堪過
燕巢軍幕

非關憐翠幕不是厭朱樓
故來呈燕頷報道欲封侯
苑中遇雪應制

紫禁仙輿詰旦來青旗遙倚望春臺不知庭霰今朝落
疑是林花昨夜開

送司馬道士遊天台

羽客笙歌此地違離筵數處白雲飛蓬萊闕下長相憶
桐栢山頭去不歸

登逍遙樓

逍遙樓上望鄉關綠水泓澄雲霧間北去衡陽二千里
無因鴈足繫書還

奉和春日玩雪應制

北闕彤雲掩曙霞
東風吹雪舞山家
瓊章定少千人和
銀樹長芳六出花

傷曹娘二首

可憐冥漠去何之
獨立丰茸無見期
君看水上芙蓉色
恰似生前歌舞時

前溪妙舞今應盡
子夜新歌遂不傳
無復綺羅嬌白日
直將珠玉閉黃泉

郡宅中齋

以下集
不載

郡宅枕層嶺春湖繞芳甸雲夢出萬家卧覽皆已徧漁
商汗成雨解邑明若練越俗鏡中行夏祠雲表見茲都
信盤鬱英遠常棲晒王子事黃老獨樂恣遊行謝公念
蒼生同憂感推薦靈越多秀士運濶無由面神理翳青
山風流滿黃卷揆予謬承獎自昔從纓弁瑤水執仙羈
金閨負時選晨趨博望苑夜直明光殿一朝罷臺閣萬
里違鄉縣風土足慰心况悅年芳變淮廩佇滋一作實

茲

一作實

沂歌非所羨，訟寢歸四明。
齡顏親九轉，微尚本江海。
少留豈交戰，唯餘後凋色。
竊比東南箭。

稱心寺

步陟招提宮，北極山海觀。
千巖遞縈繞，萬壑殊悠漫。
喬木轉夕陽，文軒劃清渙。
泄雲多表裏，驚潮每昏旦。
問予金門客，何事滄洲畔。
謬以三署資，來刺百城半。
人隱尚未弭，歲華豈兼玩。
東山桂枝芳，明發坐盈歎。

新年作

鄉心新歲切天畔獨潛然老至居人下春歸在客先
嶺猿同旦暮江柳共風煙已似長沙傅從今又幾年

剪綵

駐想持金錯居然作管灰綺羅織手製桃李向春開
拾藻蜂初泊銜花鳥未回不言將巧笑翻逐美人來

七夕

傳道仙星媛年年會水隅停梭借蟋蟀留巧付蜘蛛
去晝從雲請歸輪矧日輸莫言相見濶天上日應殊

桂州陪王都督晦日宴逍遙樓

晦節高樓望山川一半春意隨
莫葉盡愁共柳條新投
刺登龍日開懷納鳥晨兀然心似醉
不覺有吾身

和趙員外桂陽橋遇佳人

江雨朝飛浥細塵陽橋花柳不勝春
金鞍白馬來從趙
玉面紅粧本姓秦
妬女猶憐鏡中髮
侍兒堪感路傍人
蕩舟為樂非吾事
自歎空閨夢寐頻

函谷關

首句缺
二字

至人 識仙風瑞靄丹光遠鬱蔥靈跡才辭周柱下
祥氛已入函關中不從紫氣臺端候何得青華觀裏逢
欲訪乘牛求寶錄願隨鶴駕徧瑤空

詠省壁畫鶴

粉壁圖仙鶴昂藏真氣多騫飛竟不去當是戀恩波

廣州朱長史座觀妓

歌舞須連夜神仙莫放歸參差隨暮雨前路濕人衣

謁二妃廟

還以金屋貴留茲寶席尊江鳧嘯風雨山鬼泣朝昏
贈嚴侍御

受脤清邊服乘驄歷塞塵當聞漢雪恥羞共虜和親
在荊州重赴嶺南

夢澤三秋日蒼梧一片雲還將鷓鴣羽重入鷓鴣羣
則天皇后挽歌

象物行周禮衣冠集漢都誰憐事虞舜下里泣蒼梧
鄧國太夫人挽歌

驚死鉛妝歇人亡錦字空悲端若能減渭水亦應窮

楊將軍挽歌

亭寒照苦月隴暗積愁雲今日山門樹何處有將軍